



Број/Број: 01/4-50-1-4-39/09
Сарајево/Sarajevo, 30.1.2009. godine

Z A P I S N I K

39. sjednice Komisije za finansije i budžet Predstavničkog doma Parlamentarne skupštine BiH,

održane 26.1.2009., u vremenu od 12 do 13 sati

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Adem Huskić, Bajazit Jašarević, Salko Sokolović i Drago Kalabić.

Sjednici Komisije nisu prisustvovali Savo Erić i Zlatko Lagumdžija.

Sjednici su također prisustvovali: Milenko Šego, generalni revizor Ureda za reviziju institucija BiH, Ranko Šakota, pomoćnik ministra finansija i trezora BiH, Ljiljana Miličević, savjetnik u Kabinetu predsjedavajućeg Vijeća ministara BiH, Jure Bilić, predsjednik Upravnog odbora Reprezentativnog sindikata institucija BiH, Munevera Radović, tehnički sekretar Reprezentativnog sindikata institucija BiH, Aida Osmanović, istraživač-analitičar u Istraživačkom sektoru Parlamentarne skupštine BiH, Zoran Brkić, viši stručni saradnik u Sektoru za odnose s javnošću Parlamentarne skupštine BiH, i Zuhra Eskić, ovlaštenu revizor firme „Revsara“ d.o.o. Sarajevo, te Željko Kosmajac, sekretar, i Muhameda Abaz, stručni saradnik pri Komisiji.

Za sjednicu je predložen sljedeći

DNEVNI RED

1. Razmatranje 11 revizorskih izvještaja o finansijskom poslovanju institucija BiH za 2007.godinu s revizorskim „pozitivnim mišljenjem“ (sačinilac: Ured za reviziju institucija BiH);
2. Razmatranje Finansijskih izvještaja Ureda za reviziju institucija BiH na dan 31.12.2006. i 31.12.2007., s mišljenjem ovlaštenog revizora (sačinilac: „Revsar“ d.o.o. Sarajevo);
3. Tekuća pitanja;
4. Dopis Samostalnog sindikata državnih i policijskih službenika i zaposlenika u institucijama BiH, sudskoj vlasti i javnim ustanovama BiH, zaprimljen 18.12.2008.

Dnevni red usvojen je jednoglasno.

Ad.1. Razmatranje 11 revizorskih izvještaja o finansijskom poslovanju institucija BiH za 2007.godinu s revizorskim pozitivnim mišljenjem“ (sačinilac: Ured za reviziju institucija BiH)

Predsjedavajući Komisije istakao je da je Zajednički kolegij oba doma Parlamentarne skupštine BiH odlučio da se svi izvještaji Ureda za reviziju institucija BiH za 2007. godinu razmatraju

28.1.2009. na plenarnoj sjednici oba doma. Također je od Komisije traženo da se do održavanja plenarne sjednice oba doma dostave mišljenja Komisije o revizorskim izvještajima za 11 institucija koje su imale „pozitivno mišljenje“ Ureda za reviziju institucija BiH.

Komisija je jednoglasno usvojila 11 revizorskih izvještaja o finansijskom poslovanju institucija BiH za 2007. godinu s „pozitivnim mišljenjem“ i uputila ih u daljnju parlamentarnu proceduru, s prijedlogom Domu na usvajanje. Revizorske izvještaje s „pozitivnim mišljenjem“ za 2007. godinu imalo je sljedećih 11 institucija BiH:

1. Tužilaštvo BiH
2. Pravobranilaštvo BiH
3. Agencija za državnu službu BiH
4. Centralna izborna komisija BiH
5. Služba za zajedničke poslove institucija BiH
6. Fond za povratak BiH
7. Agencija za javne nabavke BiH
8. Agencija za statistiku BiH
9. Odbor državne službe za žalbe BiH
10. Arhiv BiH i
11. Komisija za imovinske zahtjeve raseljenih lica i izbjeglica BiH

Komisija je jednoglasno usvojila i sljedeći **zaključak**: “ Komisija predlaže Predstavničkom domu Parlamentarne skupštine BiH da, prilikom razmatranja revizorskih izvještaja o finansijskom poslovanju institucija BiH za 2007. godinu, istakne i pohvali finansijsko poslovanje navedenih 11 institucija BiH za koje je revizija u 2007. godini utvrdila “pozitivno mišljenje”.

Ad.2. Razmatranje Finansijskih izvještaja Ureda za reviziju institucija BiH na dan 31.12.2006. i 31.12.2007., s mišljenjem ovlaštenog revizora (sačinilac: „Revsar“ d.o.o. Sarajevo)

Komisija je jednoglasno prihvatila finansijske izvještaje Ureda za reviziju institucija BiH na dan 31.12.2006. i 31.12.2007., s mišljenjem ovlaštenog revizora firme „Revsar“ d.o.o. Sarajevo.

Ad 3 Tekuća pitanja:

Dopis Samostalnog sindikata državnih i policijskih službenika i zaposlenika u institucijama BiH, sudskoj vlasti i javnim ustanovama BiH, zaprimljen 18.12.2008.

Jure Bilić istakao je da je Komisija upoznata s aktivnostima Reprezentativnog sindikata o pitanju primjene i eventualnih izmjena i dopuna Zakona o plaćama. Parlamentarna skupština BiH donijela je Zakon o plaćama s probnim periodom od šest mjeseci i u tom periodu vršit će se analiza njegove primjene i prikupiti sve primjedbe na Zakon. Vijeće ministara BiH formiralo je tim za pregovore, koji čine tri ministra i zaključak je da se on aktivno uključi u pregovore s Reprezentativnim sindikatом. Mišljenja sam da bi Parlamentarna skupština BiH trebalo da inicira pregovore između poslodavca i Reprezentativnog sindikata.

Ranko Šakota - Aktivnosti radnog tijela koje je formiralo Vijeće ministara BiH svodit će se na izmjene Zakona o plaćama, donošenje podzakonskih akata i reguliranje kolektivnog ugovora. Ministarstvo finansija i trezora BiH ranije je uradilo analizu primjene Zakona o plaćama u dijelu koji se odnosi na zaposlene sa srednjom stručnom spremom, te je uočena velika šarolikost u primjeni Zakona. Vijeće ministara donijelo je određene podzakonske akte koje je trebalo donijeti nakon usvajanja Zakona o plaćama i naknadama u institucijama BiH. Usvojeni podzakonski akti su jedinstveni za sve zaposlene na koje se odnosi Zakon o plaćama i njihova primjena počinje od 1.1.2009.

Velimir Jukić rekao je kako smatra da je po brojnosti i količini trošenja budžetskih sredstava ovo značajna sindikalna organizacija, te bi Komisija trebalo da podrži i podstakne ovaj vid pregovora

između Ministarstva finansija i trezora BiH i Samostalnog sindikata s ciljem rješavanja određenih pitanja, na obostrano zadovoljstvo.

Drago Kalabić smatra da Komisija treba da primi k znanju ovo informaciju i da podrži daljnje pregovore između Ministarstva finansija i trezora BiH i Samostalnog sindikata državnih i policijskih službenika i zaposlenika u institucijama BiH.

Bajazit Jašarević predložio je da Komisija ili Predstavnički dom Parlamentarne skupštine BiH zaduže Vijeće ministara BiH da, u roku od 30 dana, izradi analizu primjene Zakona o plaćama i naknadama u institucijama BiH po svim segmentima i to u svim institucijama BiH, te je dostavi Komisiji ili Predstavničkom domu u zavisnosti ko traži navedenu analizu.

Nakon rasprave, Komisija je jednoglasno donijela sljedeći **zaključak**:

„Komisija za finansije i budžet Predstavničkog doma Parlamentarne skupštine BiH zahtijeva od Vijeća ministara BiH da, u roku od 30 dana, izradi analizu primjene Zakona o plaćama i naknadama u institucijama BiH u svim njegovim aspektima u odnosu na planirani budžet i njegovo izvršenje, te da je dostavi Komisiji, a sve s ciljem stvaranja dobre osnove za eventualne izmjene i dopune Zakona o plaćama i naknadama u institucijama BiH“.

Sekretar Komisije
Željko Kosmajac

Predsjedavajući Komisije
mr. ecc.sc. Sadik Bahtić